



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 429. Usque Ad Annum 483

Fleury, Claude

August. Vind. [u.a.], 1759

VD18 90117816

§. 23. Initia Eutychis.

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

Sæculum V.
A.C. 448.

§. XXIII.

Initia Eutyichis.

Eutyches, qui, consentiente Uranio, contra Ibam egerat, novæ Hæresis Caput, Nestorii Errori directe oppositæ, evasit. Presbyter erat, & Monasterii trecentorum Monachorum prope Constantinopolim Abbas. Nemo isto homine unquam Nestorio magis infensus fuit.

Lib. brev. c. ab amicis S. Cyrilli inter viros illos, qui ad defendendam Fidem idonei essent, acensus. Hoc ipso anno, S. Leo Papa, acceptis ab ipso litteris, quibus significabat Nestorianos novis viribus resurgere, rescripsit, zelum ejus laudavit, & ut animo constanti esset, excitavit. S. Leonis epistola prima Junii, Posthumiano, & Zenone Consulibus, id est, anno 448. data est. Verum Nestoriani, quibus Eutyches irascebatur, revera erant Catholici, quod ex Epistola Synodali Domni Antiocheni, ad Imperatorem Theodosium data, apparet, in illa Eutychem accusat, quod Hæresim Apollinarianam reducat, dicendo, Divinitatem Filii Dei, & Humanitatem ejus unam esse Naturam, dumque passionem Divinitati tribuit. Queritur etiam, quod Diodorum Tarsensem, & Theodorum Mopsuestenum anathematizaret, viros, qui adversus Apollinarianam fidei Defensores extitissent.

2. Coll. Lup. c. 203. Sup. XXVI. §. 20. Leo Ep. 19. al. 6.

Facund. VIII. c. 5.

Euse-

Eusebius, Episcopus Doryleensis in Phrygia, inter zelosissimos Nestorii Adversarios numerabatur; idem is est, qui Constantinopoli, cum adhuc Laicus esset, & Causidicus forensis, an. 429. contra eundem Libellum vulgavit. Cum ejusdem Sententiæ esset, ac Eutyches, inde inter ambos arcta necessitudo nata; at tandem ex continuis colloquiis agnovit Eusebius, Eutychem in hac quæstione nimium dicere, & in alterum extremum, scilicet in Hæresin oppositam, incidere. Diu amicum ad saniores mentem reducere omni studio conatus est, sed cum jam constaret, esse obstinatum, non modo amicitia renuntiavit, sed & vices Actoris in eum suscepit. Occasione usus est congregati Concilii triginta Episcoporum, qui, Constantinopoli ob causas alias commorantes, conventum agebant, ut litem inter Florentium Episcopum Sardanensem, Ludia Metropolitam, & duos ex eadem Provincia Episcopos, exortam componerent.

§. XXIV.

Concilium Constantinopolitanum. Sessio prima & secunda.

Ergo sexto Idus Nov. Zenone, & Posthumiano Consulibus, id est, octava Nov. anno 448. Patribus in Aula Consiliorum Ecclesiæ Cathedralis Constantinopolitanæ

Sæculum V.
A. C. 448.

Sup. XXV.
§. 2.